

ENTROIDO 2026

Carballo

Domingo 15 de febreiro | 18.00 h Praza do Concello

DESFILE DO CONCURSO DE DISFRACES, COMPARSAS E CARROZAS DO ENTROIDO 2026



CONCELLARÍA DE CULTURA

Pazo da Cultura. Rúa do Pan s/n. 15100 Carballo. GPS: Latitude 43.211702 | Lonxitude -8.695394 981 70 43 00 | cultura@carballo.gal www.carballo.gal



PRIMEIRA> Obxecto

Co obxecto de promover no noso municipio unha das festas tradicionais máis importantes e recu-perar unha das prácticas populares destas datas, o Concello de Carballo, a través da Concellaría de Cultura, convoca unha nova edición do Concurso de Disfraces, Comparsas e Carrozas de Entroido

SEGUNDA> Data e lugar

Este concurso celebrarase o domingo día 15 de febreiro de 2026 ás 18.00 h. na Praza do Concello. Todos os participantes formarán parte do desfile que transcorrerá polas rúas próximas á Praza do Concello e rematará nesta Praza. A organización resérvase o dereito de suspensión ou modificación da data e hora de celebración cando as circunstancias así o determinen.

TERCEIRA> Prazos e lugar de inscrición

Poderán participar todas as persoas, agrupacións de persoas físicas ou entidades que se inscriban nos prazos e lugares que se recollen a continuación. No caso de agrupacións de persoas físicas, deberán facer constar a porcentaxe a aplicar no momento do pago do premio ou gratificación. No caso de non especificar o reparto de compromisos entre cada membro, o importe do premio ou gratificación a aplicar a cada un deles, imputaráselle todo ao representante ou representantes a partes iguais. Non terán dereito a premio nin gratificación disfraces que xa participaran en edicións anteriores.

Prazo inscrición:

- Comparsas e carrozas:

A partir do día seguinte á publicación do extracto da convocatoria no BOP a través da BNDs e finalizará o **11 de febreiro de 2026**

- Grupos, parellas e individual:

A partir do día seguinte á publicación do extracto da convocatoria no BOP a través da BNDs e finalizará o **domingo 15 de febreiro**.

Lugar inscrición:

Rexistro Xeral do Concello de Carballo, sede electrónica ou rexistro situado no Pazo da Cultura > Rúa do Pan, s/n (de 11 a 13.00 h) T 981 704 300. Domingo 15 de febreiro: Praza do Concello (Só para grupos, parellas e individual). De 16.00 a 17.00 h

Documentación:

- Folla de inscrición
- Designación do representante a efectos de inscrición neste concurso. No caso de agrupacións de persoas, segundo o impreso Declaración de compromiso de execución da actividade e aplicación do importe de premios ou gratificacións recibidas.
- Copia do DNI da persoa inscrita, do representante e CIF da entidade (segundo proceda)

No caso de participación de menores de idade, autorización do pai/nai ou tutor.

Será decisión do xurado admitir a participación de comparsas ou carrozas inscritas fóra de prazo, aínda que nese caso estas non terán dereito a recibir gratificación por participar.

CUARTA> Categorías e Premios

Establécense as seguintes categorías e modalidades nas que poderán inscribirse os/as interesados/as, que terán opción aos premios que se detallan a continuación:

INFANTIL (ata 14 anos)

COMPARSAS (mínimo de 8 compoñentes)

1º premio: 300 €
2º premio: 150 €
3º premio: 100 €
4º premio: 60 €

GRUPOS (de 2 a 7 compoñentes)

Premio: 110 €

INDIVIDUAL (un compoñente)

1º premio: 90 €
2º premio: 70 €
3º premio: 50 €

ADULTOS (máis de 14 anos)

CARROZAS (mínimo de 15 compoñentes)

1º premio: 1000 €
2º premio: 600 €
3º premio: 350 €

COMPARSAS (mínimo de 10 compoñentes)

1º premio: 700 €
2º premio: 400 €
3º premio: 200 €

GRUPOS (de 2 a 9 compoñentes)

Premio: 125 €

INDIVIDUAL (un compoñente)

Premio: 60 €

INFANTIL OU ADULTOS

PREMIO ESPECIAL “CHOQUEIRO DE BERGANTIÑOS” (un compoñente)

PARTICIPANTE INSCRITO EN CALQUERA DAS MODALIDADES (non precisa inscrición específica)

Premio: 100 €

ACCÉSITS

1000 € A DISTRIBUÍR EN CALQUERA CATEGORÍA OU MODALIDADE

O xurado poderá outorgar o premio especial “Choqueiro de Bergantiños” a calquera concursante que participe en calquera categoría ou modalidade do desfile. Polo tanto non precisa inscrición previa. Atendendo á calidade dos disfraces presentados, poderanse entregar accésits nas diferentes categorías ou modalidades por un importe máximo total de 1000 €. Ás contías de cada premio aplicaráselles a retención fiscal correspondente.

Definicións das modalidades:

Comparsas: E: Enténdese como comparsa un grupo mínimo de 8 compoñentes na categoría de infantil e de 10 compoñentes na de adultos, disfrazados dun mesmo tema, que realizan algún tipo de representación e que NON levan consigo ningún vehículo de tamaño significativo.

Carroza: Considerarase carroza unha comparsa, cun mínimo de 15 compoñentes, acompañada dun ou varios vehículos sobre rodas, ben sexan autopropulsados ou remolcados, construídos ou decorados expresamente para o Entroido e convenientemente deseñada e decorada, cun tamaño mínimo de 2 metros de longo e 1 de ancho, e cunha decoración especial acorde coa denominación do grupo. Individualmente cada vehículo da carroza non poderá exceder os 4,00 metros de altura -medidos desde o chan-, 2,50 metros de ancho e 13 metros de longo, incluído o vehículo de arrastre. Acompañando cada vehículo, ademais do condutor, deberán ir un mínimo de 4 adultos.

Os vehículos a motor deberán cumprir coa normativa vixente de circulación de vehículos pola vía pública e, tanto os vehículos como as carrozas deben cumprir coa normativa de seguridade aplicable e cos requisitos establecidos na folla de inscrición. Na folla de inscrición, deberá realizarse unha descrición detallada da mesma. Se algunha comparsa ou carroza contén algún elemento que poida supoñer un perigo para o público ou para os propios participantes, estes deberán comunicarllo á organización no mome.

Adscrición a modalidades ou categorías:

En caso de dúbida, o xurado determinará se os participantes se adscriben á categoría de comparsa ou de carroza. Se nalgunha das modalidades colectivas participaran compoñentes de idades pertencentes a difer-rentes categorías (menores e maiores de 14 anos), o xurado decidirá a que categoría se adscriben, para o que terá en conta o número de membros de cada idade e a súa repercusión no grupo. Se nunha modalidade dunha categoría participan menos de 5 concursantes, o xurado poderá constituír unha única modalidade que agrupe aos participantes da ambas categorías, incorporando á mesma os premios previstos en ambas.

QUINTA> Seguridade e materiais dos disfraces e desenvolvemento do desfile

Seguridade e materiais dos disfraces:

Evitarase a utilización de calquera tipo de artículo pirotécnico. Recoméndase que se utilicen materiais ignífugos e non inflamables. No caso de que durante a construción, organización e/ou posterior desenvolvemento do desfile se causen danos a terceiros, a responsabilidade que se derive, será asumida solidaria e integramente polos inscritos como participantes no concurso que formen parte de dito grupo, comparsa ou carroza.

Desenvolvemento do Desfile

Música: De maneira xeral, todos os participantes desfilarán coa música que dispoña a organización. Para manter a axilidade do desfile, no caso de que os concursantes interpretasen algunha copla, canción ou baile que supoña a parada do desfile, a súa duración máxima será de dous minutos para

carrozas e comparsas, un minuto para grupos, e 30 segundos para disfraces individuais. Se os concursantes precisan música específica, entregarase á organización entre as 16.45 e as 17.00 h do día do desfile nun pen cun único tema/pista, gravado en formato música ou MP3. No caso de xurdir algún problema coa reprodución do arquivo, a música que se empregará será a prevista pola organización. **Orde no Desfile:** En función do espazo dispoñible e para o mellor desenvolvemento do desfile, a organización determinará o lugar de colocación e orde no desfile, dos participantes.

SEXTA> Gratificacións á participación

Co obxectivo de fomentar a participación, concederanse un máximo de 20 gratificacións, dun im-porte de 125 € para as comparsas de categoría infantil, 125 € para as comparsas de menos de 25 membros da categoría de adultos, 200 € para as comparsas de máis de 25 membros da categoría de adultos e de 300€ a cada unha das carrozas. Estas outorgaranse segundo a orde de inscrición e de acordo co número de integrantes que participen no Desfile con posterioridade á comprobación pola organización e o xurado, de que cumpren co establecido nestas bases e sempre e cando o xurado considere que os participantes reúnen unhas características ou condicións mínimas de calidade. Para a percepción das gratificacións será imprescindible a realización do percorrido completo do desfile pola totalidade de compoñentes do grupo, comparsa ou carroza (excepto casos excepcionais debido a circunstancias especiais previamente autorizados pola organización). Se o número de comparsas e carrozas participantes superan o número de gratificacións dispoñi-bles, poderá limitarse a un máximo de 2 gratificacións por cada entidade inscrita.

GRATIFICACIÓNS

INFANTIL:

COMPARSAS: 125 €

ADULTOS:

- COMPARSAS DE MENOS DE 25 MEMBROS: 125 €
- COMPARSAS A PARTIR DE 25 MEMBROS: 200 €
- CARROZAS: 300 €

Concederanse un máximo de 20 gratificacións

SÉTIMA> Xurado

O xurado será designado polo Concello de Carballo e del formarán parte representantes municipais, de entidades culturais e sociais ou outras persoas de recoñecida capacidade. O xurado poderá excluir os participantes ou disfraces que pola súa temática ou elaboración podan resultar vexatorios, ofensivos ou discriminatorios.

A decisión do xurado será inapelable e adoptarase por maioría simple de entre os seus membros.

O xurado deliberará e emitirá o seu fallo ao finalizar o desfile, para o que terá en conta a creativi-dade, orixinalidade e singularidade dos participantes, os materiais de elaboración dos disfraces e carrozas, a maquillaxe, a confección e construción artesanal, a complexidade da elaboración, os acabados da proposta, así como a simpatía dos participantes, interpretación de cancións ou reali-zación de coreografías ou representacións vinculadas aos disfraces, a posta en escena e a con-cordancia de todos os elementos. Nas modalidades de carrozas e comparsas valorarase, de ma-neira especial, a existencia ou non de coplas e a súa calidade. O xurado poderá declarar deserto calquera dos premios se considera que os participantes non re-únen a calidade precisa. Se nalgunha das modalidades non se entrega algún premio poderase destinar o seu importe a outra modalidade en calidade de accésit. O xurado do concurso terá a competencia de resolver calquera circunstancia non prevista nas presentes bases.

OITAVA> Pago de premios

A concesión dos premios e gratificacións farase pública o mesmo día do desfile, unha vez se cele-bre a reunión do xurado. Os premios inferiores a 125 € aboaranse en metálico, previa sinatura dun recibín por parte dos participantes ou dos representantes que designen. Os beneficiarios deberán cobralos na Casa do Concello ao remate do Concurso ou no Servizo de Cultura (Pazo da Cultura) no prazo de 10 días desde a celebración do Concurso. No caso de que non se cobre no prazo previsto perderán o de-reito a cobrar o premio. As gratificacións por participar ou os premios por un importe igual ou superior a 125 €,

+ de 10.000 euros!!

aboardarse mediante transferencia bancaria nos días posteriores á celebración do Concurso. Os beneficiarios deberán presentar un certificado de conta bancaria a nome da entidade participante, ou do representante ou integrantes do grupo, comparsa ou carroza no prazo máximo dun mes desde a celebración do concurso. De non entregarse a documentación no prazo previsto perderán o dereito a cobrar a gratificación ou premio. No caso de que se desexe que o ingreso se realice a nome de máis dun representante, deberán entegar os certificados de conta correspondentes a todos os representantes xunto coa relación nominal dos integrantes e compromiso de execución da activi-dade e aplicación do importe e nomeamento de representante. O importe das gratificacións e premios están suxeitos ás retencións de IRPF correspondentes.

NOVENA> Responsabilidade dos participantes e seguridade

Os participantes deberán cumprir coas instrucións que lle comunique a organización para o co-rrcto desenvolvemento da actividade e coas medidas de seguridade indicadas nestas bases e coas que lle comunique a organización ou os servizos de seguridade o día do concurso, e son res-ponsables dos danos que puideran causar agrupacións de persoas físicas ou entidades transcurso do Concurso de Disfraces, Comparsas e Carrozas, e eximen de responsabilidade ao Concello de Carballo. A participación no Concurso de Disfraces, Comparsas e Carrozas, supón a total e plena aceptación destas bases. Para que a inscrición sexa válida e requisito imprescindible ter entregada a solicitude de inscrición debidamente cuberta e a documentación que garanta o cumprimento das condicións de partici-pación. O evento será fotografado e gravado, e as imaxes e gravacións poderán ser publicadas na páxina web do Concello e redes sociais. Por motivos de transparencia, os nomes dos gañadores serán publicados na web do concello.

DÉCIMA> PROTECCIÓN DE DATOS

Información sobre protección de datos (rgpd 2016/679 e lopdgd 3/2018)
Responsable do tratamento: Concello de Carballo (P1501900C), con dirección en Praza do Concello S/N, 15100 - Carballo (A Coruña)
Finalidade do tratamento: Xestionar a súa inscrición e participación no concurso ou certame, así como a toma e difusión de imaxes e fotografías do evento páxina web do Concello e redes sociais, xunto co nome dos gañadores por motivos de transparencia, co obxectivo de promocionar a actividade realizada polo Concello.
Base de lexitimación: O consentimento da persoa interesada (artigo 6.1, a do RGPD), o exercicio de poderes públicos conferidos ao Responsable (artigo 6.1, e do RGPD) e o consentimento de persoas menores de 14 anos (artigo 7.2 da LOPDGD).
Destinatarios: O Concello de Carballo subministrará os datos relativos ás gratificacións ou premios concedidos á Axencia Estatal da Administración Tributaria e das subvencións concedidas ao Rexistro Público de Subvencións de Galicia e á Base de Datos Nacional de Subvencións ou se é necesario para a xestión ou entrega do premio ou por obriga legal, así como a outros organismos da Administración Pública con competencia na materia.
Transferencias internacionais: Non se realizarán transferencias internacionais.
Conservación: Os datos conservaranse mentres sexa necesario para cumprir coa finalidade prevista e durante os prazos de prescrición legal.
Exercicio de dereitos: A persoa interesada poderá exercer os seus dereitos de acceso, rectificación, supresión, oposición, revogación do consentimento e limitación no apartado de Política de Privacidade da páxina web do Concello, presencialmente no Concello ou en dpd@carballo.gal.